



სსიპ გარემოს ეროვნული სააგენტო

დავით აღმაშენებლის გამზირი №150
0112 თბილისი, საქართველო
+995 32 2439503 / +995 32 2439510
info@nea.gov.ge
nea.gov.ge

02 აპრილი 2024



N 21/3362

სს „თბილპოლიმერს“

თბილისი, ნოდარ სიგუას ქუჩა №1

tbilpolimeri@gmail.com

ასლი: სსიპ გარემოსდაცვითი ინფორმაციისა და განათლების ცენტრი

სსიპ გარემოს ეროვნულმა სააგენტომ განიხილა გარემოსდაცვითი გადაწყვეტილების მიღების თაობაზე თქვენი N12845 განცხადება, რომელიც ეხება ქ. თბილისში, სს „თბილპოლიმერის“ პოლიეთილენის ნარჩენების გადამამუშავებელი ტექნოლოგიური ხაზის (ნარჩენების აღდგენა) მოწყობა-ექსპლუატაციის პროექტს და გაცნობებთ შემდეგს:

- წარმოდგენილი უნდა იყოს დეტალური ინფორმაცია იმ ნარჩენების რაოდენობის შესახებ (თითოეული ნარჩენის კოდისთვის), რომლის მიღება და გადამამუშავებაც დაგეგმილია კომპანიის მიერ;
- წარმოდგენილი უნდა იყოს კომპანიის საქმიანობის შედეგად წარმოქმნილი ნარჩენების რაოდენობებისა და შემდგომი მართვის შესახებ (ცხრილი 8-13 რაოდენობები თითოეული კოდის ნარჩენისათვის და ასევე, კონტრაქტორი კომპანიების შესახებ ინფორმაცია საჭიროებს დაზუსტებას) დეტალური ინფორმაცია;
- წარმოდგენილი უნდა იყოს დეტალური ინფორმაცია ნარჩენების დახარისხება/დაქუცმაცებიდან მიღებული ნარჩენების (კოდები, დასახელებები და რაოდენობა) შესახებ, სადაც გათვალისწინებული იქნება შემდგომი მართვის ღონისძიებები;
- გზშ-ის ანგარიშის მიხედვით, საწარმოს შეუძლია ყოველთვიურად აწარმოოს 200 ტონა პროდუქცია (წელიწადში 2400 ტონა). ატმოსფერულ ჰაერში მავნე ნივთიერებათა გაფრქვევის ანგარიშის მიხედვით, პროდუქციის (პოლიეთილენისა და ბიოდეგრადირებადი პარკები) ჯამური წარმოება საწარმოსთვის შეადგენს 3271,6 ტონას წელიწადში. დაზუსტებას საჭიროებს პროდუქციის ჯამურ წარმადობასთან (საათური/წლიური) დაკავშირებული საკითხი;
- გზშ-ის ანგარიშის თანახმად, კომპანია გეგმავს თვეში 26 ტონა მეორადი ნედლეულის გადამამუშავებას და იმავე რაოდენობის პლასტიკის გრანულების მიღებას ყოველთვიურად, ანუ წელიწადში მიიღებს 312 ტონას. ატმოსფერულ ჰაერში მავნე ნივთიერებათა გაფრქვევის ანგარიშის მიხედვით, სამეორეო გადამამუშავება პლასტიკის შესაფუთი მასალის ნარჩენები (მეორადი პოლიეთილენის პარკები), რომლიდანაც მიიღება მეორადი გადამამუშავების გრანულები, რომლის

წარმადობაა 730 ტონა წელიწადში. აღნიშნული წარმადობის საკითხი (საათური/წლიური) საჭიროებს დაზუსტებას;

- გზშ-ის ანგარიშში წარმოდგენილი სამუშაო გრაფიკი არ შეესაბამება ატმოსფერულ ჰაერში მავნე ნივთიერებათა გაფრქვევის ანგარიშში და შესაბამისად ზღვრულად დასაშვები გაფრქვევების ნორმების პროექტში წარმოდგენილ ინფორმაციას. კერძოდ, ექსტრუდერების (საამქრო) მუშაობის გრაფიკი შეადგენს 8520 საათს წელიწადში, გრანულირების საამქროს მუშაობის გრაფიკი 7300 საათს წელიწადში, ხოლო გზშ-ის ანგარიშის მიხედვით, საწარმოს სამუშაო რეჟიმი შეადგენს წელიწადში 8760 საათს წელიწადში. შესაბამისად, დაზუსტებას და დეტალური ინფორმაციის წარმოდგენას საჭიროებს საწარმოს/საამქროების მუშაობის გრაფიკის შესახებ ინფორმაცია (წლიური/დღეღამური/საათური);
- წარმოდგენილი უნდა იყოს ინფორმაცია იმ საავტომობილო გზის შესახებ, რომლის საშუალებითაც მოხდება საწარმოში ნედლეულის შემოტანა, აგრეთვე, წარმოდგენილი უნდა იყოს ნედლეულისა და პროდუქციის სატრანსპორტო ოპერაციების სქემის და რაოდენობის შესახებ ინფორმაცია;
- გზშ-ის ანგარიშის მიხედვით, საგრანულატორო შენობაში განთავსებული იქნება 2 ერთეული გრანულატორი და 1 ერთეული დამქუცმაცებელი. დამქუცმაცებელი დანადგარი (წისქვილი) არ არის გათვალისწინებული ატმოსფერულ ჰაერში მავნე ნივთიერებათა გაფრქვევის ანგარიშში. შესაბამისად, აღნიშნული საკითხი საჭიროებს დაზუსტებას და დეტალური ინფორმაციის/დოკუმენტაციის წარმოდგენას;

გთხოვთ, უზრუნველყოთ ზემოაღნიშნული საკითხების შესახებ ინფორმაციის/დოკუმენტაციის 2 თვის ვადაში წარმოდგენა. აღნიშნული ინფორმაციის/დოკუმენტაციის წარმოდგენამდე სააგენტო მოკლებულია შესაძლებლობას იმსჯელოს გარემოსდაცვითი გადაწყვეტილების გაცემის შესახებ.

ვასილ გედევანიშვილი

სააგენტოს უფროსი

სსიპ გარემოს ეროვნული სააგენტო

